

太上靈寶十方應號天尊懺卷之十 尊

師尊父母品

太上告妙行真人曰一切眾生受大道天地而化育而託質於父母其父母提攜乳哺寒暑晦明備極養育及乎成長即係習惡趣淫荒嗜好喜怒哀惱三業十惡六情六塵六八六識六根六賊內外漸滌積成愆累沉墮於棄賢雜惡世界淪沒於生死愛河幽牢地獄種種苦處雖具人事與夫飛走無異也若不因師為其破疑毀滯開執除惑示以三乘大法百千妙戒經籙符圖罪福齋法長生秘訣度世羽書方便級引檢制修行自適及遐超凡入聖結無量之緣拔有累之軀上薦七祖下濟羣生是以師尊有度世之恩父母有生身之德恩德巍巍廣大無邊固合行思遵敬動懷孝養奈何眾生劣薄自取沉淪事奉師尊父母曾無柔順恭謹侍養孝愛始卒違息先後無間動生怨結盡成愆過不懷度世之愧不起生身之報若於諸惡斯罪益重如無回向何以蠲原今日某乙覺悔首謝自從無

始以來至于今世或捨身受法奉道求師為己及人廣傳經戒無奉師之意乏信向之心負約違科積愆增過又或於父母失恭敬孝養之心忘生身乳哺之德如上的罪無量無邊結在陰冥招其報對並仗廣大威神無窮惠力令得洗懺諸罪消潰善根增長若亡者再生人中道緣堅固速悟真乘常得安和不墮惡道一心歸命懇志虔切奉為師尊父母信禮十方大慈無上尊

- 志心信禮 大聖至真元始天尊
- 志心信禮 玄智速照天尊
- 志心信禮 德化遐荒天尊
- 志心信禮 浮紫霞天尊
- 志心信禮 大乘空慧天尊
- 志心信禮 萬行圓滿天尊
- 志心信禮 大洞淵寂天尊
- 志心信禮 悟萬法天尊
- 志心信禮 瓊瑤蓋天尊
- 志心信禮 斷迷惑天尊
- 志心信禮 幽顯無極天尊

- 志心信禮 領眾靈天尊
- 志心信禮 和神物天尊
- 志心信禮 法雲流潤天尊
- 志心信禮 棲真至隱天尊
- 志心信禮 志端妙天尊
- 志心信禮 妙福無邊天尊
- 志心信禮 證道源天尊
- 志心信禮 延光像天尊
- 志心信禮 道舍育天尊
- 志心信禮 大光照天尊
- 志心信禮 勸法無礙天尊
- 志心信禮 法緣濟天尊
- 志心信禮 真相具足天尊
- 志心信禮 太微光天尊
- 志心信禮 保慶應權天尊
- 志心信禮 玉京垂惠天尊
- 志心信禮 湛寂凝玄天尊
- 志心信禮 行圓虛界天尊
- 志心信禮 權輿方便天尊
- 志心信禮 神真妙闕天尊

志心信禮 應緣常濟天尊

志心信禮 導世無為天尊

志心信禮 輪萬法天尊

志心信禮 光德圓天尊

志心信禮 無量增益天尊

志心信禮 沖和淨樂天尊

志心信禮 玄隱無為天尊

志心信禮 幽源不測天尊

志心信禮 道慧圓天尊

志心信禮 大慈悲救苦真人

志心信禮 大慈悲拔罪真人

志心信禮 大慈悲普濟真人

志心信禮 大慈悲妙行真人

歸依十方無上天尊諸大真聖某乙今日發
無上道意仗其大慈之力應號如意伏願前

生今世投道師尊已神未聖已達未達道心
堅固萬試不干速入大乘證真常道不生不
滅無論無壞又願兼劫令身七世父母或沉
或滯已生未生昇入法門眾惡萬緣一時解
脫超凡入聖合道成真稽首十方真正三寶

地獄品

爾時妙行真人稽首上白曰眾品妙議咸所

聞知未審地獄苦處復有幾種輕重若何

太上曰所修既有等差地獄豈無輕重但人

死之時地司關奏上界諸天帝王三元四司

定其罪目輕重有配復稽首敬問曰死者皆

經地獄否

太上答曰若積習善行有諸功德上天已錄

生簡便即轉形還生福報豈復更經地獄也

但積惡之人命過之後當受對報或入酆都

泰山二十六地獄或入九幽十八地獄或入

東方風雷地獄或入南方火翳地獄或入西

方金刀地獄或入北方寒冰地獄或入東北

方鞭捶地獄或入東南方焦然地獄或入西

南方熱鐵林地獄或入西北方鑊湯地獄或

入中央斧鉞地獄或入下方糞穢地獄或入

監天地獄或入平天地獄或入自然地獄或

入九平地獄或入青詔地獄或入玄天地獄

或入九正地獄或入玄沙地獄或入皇天地

獄或入禁伐地獄或入北玄地獄或入律令

地獄或入無間地獄或入女青地獄或入天

乙地獄或入太幽玄地獄或入五獄之獄或

入四海九河之獄如是等獄幽牢苦閉長夜

寒庭猛餓飛風疾雷驚震鋒刀劍戟鐵杖金

鉞銅柱鐵林身抱體卧毒禽猛獸霜牙雪齒

互加考責以至灰河萬派毒浪千尋浸漬其

間切楚何極長驅猛吏執罰神兵百億萬眾

種種拷掠一日之中萬死萬生當此之時追

悔何及動經一劫罪畢受生或作驢牛騾馬

令人乘駕或作羽毛鱗甲令人屠戮受此報

已方作人身復又愚癡醜陋神識不具唯處

下劣手足虧折眼目盲聾聾啞顛邪苦疾加

至飢寒凍餓衣食不充刑法備加常在苦地

稍異畜類未嘗安處皆自先業何由逃避若

無懺悔安能免之是故歸命一心丹倒苦切

奉為師尊父母宗親眷屬次及某乙速洎一

切眾生懺除地獄信禮大慈無上尊

志心信禮 大聖至真元始天尊

志心信禮 玄一天尊

志心信禮 住元相天尊

志心信禮 揮神妙用天尊
 志心信禮 摩靈普衛天尊
 志心信禮 玄臺勤德天尊
 志心信禮 高定智天尊
 志心信禮 默念無為天尊
 志心信禮 勝華潛耀天尊
 志心信禮 遊寂處天尊
 志心信禮 紫府凝神天尊
 志心信禮 澄真淨天尊
 志心信禮 紫極微觀天尊
 志心信禮 太虛常寂天尊
 志心信禮 杳冥神化天尊
 志心信禮 至極安樂天尊
 志心信禮 最勝天尊
 志心信禮 端靖和先天尊
 志心信禮 華廣德天尊
 志心信禮 清淨真天尊
 志心信禮 和光隱妙天尊
 志心信禮 超冥際天尊
 志心信禮 度八難天尊

志心信禮 乘景浮空天尊
 志心信禮 凝神生慧天尊
 志心信禮 湛相淳寂天尊
 志心信禮 極虛感天尊
 志心信禮 度幽海天尊
 志心信禮 飛形相天尊
 志心信禮 體真寶天尊
 志心信禮 消魔試天尊
 志心信禮 悟劫天尊
 志心信禮 玄宮治天尊
 志心信禮 朝宴禱泰天尊
 志心信禮 寧撫萬神天尊
 志心信禮 妙力寶真天尊
 志心信禮 南丹慧天尊
 志心信禮 開玄隱天尊
 志心信禮 啓神化天尊
 志心信禮 百莊嚴天尊
 志心信禮 大慈悲救苦真人
 志心信禮 大慈悲拔罪真人
 志心信禮 大慈悲普濟真人

志心信禮 大慈悲妙行真人
 歸依十方无上天尊諸大真聖其心消師
 父母宗親眷屬遠及一切眾生自從無始以
 來至于今日曾未覺悟動積究愆尚慮命過
 之後入此諸大地獄受斯責報得無畏悚並
 願從今一懺盡得消除苦趣不經善緣增長
 亡者受生幽牢罪對快樂自然永離惡道稽
 首十方正真三寶
 發願品
 太上告妙行真人曰吾向所宣妙義一一罪
 福各有等差一一修行皆示要運一一法門
 普皆開闢所以為眾生而言也言直而理顯
 文通而義貫除迷破疑超凡入聖盡在於此
 由專誠取悟而已而常念一切眾生不能廣
 發大願心心濟物念念度人或人或天皆起
 平等至于身心口意耳鼻舌根常能清淨堅
 固不退動作則息皆能行之損此利他先人
 後已積功於身常行洗懺罪根既滅善芽日
 生可不妙哉敬禮慈尊次發大願
 志心信禮 大聖至真元始天尊

志心信禮 通幽致理天尊
 志心信禮 五雲浮駕天尊
 志心信禮 七寶林天尊
 志心信禮 愍愛一切天尊
 志心信禮 定空法藏天尊
 志心信禮 紫陽寶印天尊
 志心信禮 擬真妙趣天尊
 志心信禮 圓滿智天尊
 志心信禮 玄獨悟天尊
 志心信禮 垂法教天尊
 志心信禮 瓊文受命天尊
 志心信禮 元洞恬淨天尊
 志心信禮 玉清金相天尊
 志心信禮 无滯著天尊
 志心信禮 雲蔭无極天尊
 志心信禮 真源潤天尊
 志心信禮 隨緣會天尊
 志心信禮 平育無際天尊
 志心信禮 清穆休光天尊
 志心信禮 超形物外天尊

志心信禮 影化虛宮天尊
 志心信禮 人天自在天尊
 志心信禮 上靈壽天尊
 志心信禮 大霄寶廷天尊
 志心信禮 朱蓮妙相天尊
 志心信禮 左玄臻粹天尊
 志心信禮 暗氣凌霄天尊
 志心信禮 太素分形天尊
 志心信禮 智先萬物天尊
 志心信禮 耀无邊天尊
 志心信禮 丹霞舒彩天尊
 志心信禮 淨玉光天尊
 志心信禮 宴龍島天尊
 志心信禮 紫陽卿天尊
 志心信禮 玄真舉集天尊
 志心信禮 天瑒振頓天尊
 志心信禮 妙宥天尊
 志心信禮 妙教天尊
 志心信禮 龍駕行天尊
 志心信禮 大慈悲救苦真人

志心信禮 大慈悲太極真人
 志心信禮 大慈悲普濟真人
 志心信禮 大慈悲妙行真人
 已上敬禮足十方大慈應號天尊一千二百
 大慈悲真人一百二十重復稽首歸依以此
 无量善功无邊真誥今日共已發无上道心
 奉為師尊父母宗親眷屬以及三塗五苦九
 幽六道乃至飛走蠕動蠢蠢含生發大誓願
 願大道興化法教流通一切生民皆得聞見
 悟道成真獲種種福願天地長久覆載無窮
 日月星辰照臨無極循環合度運轉無虧願
 國王平等動合道意君臣和慶祚嗣昌隆願
 九州清肅永息妖氛四海澄寧華夷大化願
 四時順序百穀豐盈民俗阜安災殃不起願
 山川呈瑞土地和宜五行舒調萬物蕃盛願
 一切大地鬼神咸發道心得成正道願江海
 龍王山川龍王各起善心利濟一切輪昇品
 位願大地山精石魅土木百怪更形變質悟
 善歸真願一切飛走蠕動各生靈性願善信
 男女道心堅固外入法門女轉男身聰明自

在願山樓市隱學道求仙真心常固速入大
乘願沉痾者疾克得安寧音啞盲聾聰明通
利拳擊跋躄中息自在願一切三業生覺
悟莫起惡報免墮苦處願怨結冤憎皆得解
釋惡癡者克得智慧慳吝者克能捨利散慢
者克生恭敬施捨者心不退善事者速皆
成就願一切眾生覺悟幻身修真正身捨煩
惱身得端正身捨愛慾身得快樂身捨罪業
身得福報身捨有漏身得無礙身捨纏身
得逍遙身捨天短身得長壽身又願一切眾
生覺悟本心從元明中來捨瞋怒心生歡善
心捨嫉妬心生和悅心捨癡惡心生慈悲心
捨殺害心生慈悲心捨慳貪心生歸向心去
虛妄心生真實心又願一切眾生覺悟情意
從陰中來去鄙惡情意生廣大情意去憂惱
情意生恬暢情意去嗜慾情意生真淨情意
去邪佞情意生正真情意又願一切眾生覺
悟其口從無狀中來去貪味口得常誦真經
口去破善長惡口得講論真義口去兩舌鬪
亂口得慈悲平等口去呪咀是非口得讚歎

歌詠口又願一切眾生捨愛欲眼得智慧眼
捨瞋怒眼生慈悲眼去視惡眼生觀善眼去
窺覷眼生正道眼又願一切眾生捨聞惡耳
得親善耳捨淫樂耳得清淨耳捨不淨耳得
諦受經法耳又願一切眾生鼻去雜息常得
天供名香妙花之氣又願一切眾生去諸邪
惡妄動虛假不正之想常得雅直專一之想
又願一切眾生无病无惱无輪无化无饑无
渴无禍无逸无寒无熱无厄无苦常得安樂
又願一切冤憎負命負財負仁負義水斷牽
纏各獲自在又願一切枷鎖牢獄危難苦厄
並得消除又願一切惡人悉起善心一切三
災水得消釋願十方地獄變為十極淨地諸
大地獄變作无量寶界願地獄驚震化作仙
樂地獄猛火化為涼風地獄寒冰變為春煦
地獄膏鑊化成蓮池地獄沸湯化為法水地
獄刀山變為蓮峯地獄戈戟化為旌節地獄
火車化作寶輦地獄灰河化為瑤池地獄苦
輪化作法輪地獄業風化為清涼地獄糞穢
化作香山地獄吞火食炭變為甘露入心映

石通身化作雲梯接道地獄苦處盡成樂園
愛河之上霞作橋梁苦海之中雲為舟楫地
獄罪籍悉皆消廢受苦眾生一時解脫地獄
鬼官升為仙官地獄鬼神升為仙侶又願其
已生生世世受身捨身發此願心堅固不退
天地可終此願無終劫運可盡此願不盡陵
谷可遷此願不遷川瀆可竭此願不竭人天
共仰生死同依同會正真成无上道爾時妙
行真人聞是因緣稽首作禮而作頌曰
至聖開秘粹 度脫諸人天 大願劫不盡
功德玄中玄 生死皆快樂 魔王自保全
無可無不可 共成无上仙
元始天尊說經既畢仙韶大舉真聖蓮從即
還上宮十方清肅於是妙行真人諸天帝王
及諸真眾歡喜作禮要當奉行流通救度各
各以龍書鳳篆金函玉蘊題云
太上靈寶十方應號天尊經懺稽首十方正
真三寶
太上靈寶十方應號天尊懺卷之十